



БҰЙРЫҚ

ПРИКАЗ

2018ш. 2 шұрыз № 30

Астана қ.

г. Астана

«Мектепке дейінгі балалар ұйымдарына кезектілікті қалыптастыру мен оның қызметін және жолдамаларды беру процесін автоматтандыру жөніндегі әдістемелік ұсынымдар туралы» Қазақстан Республикасы Білім және ғылым министрінің міндетін атқарушының 2017 жылғы 14 шілдедегі № 337 бұйрығына өзгерістер мен толықтырулар енгізу туралы

1. «Құқықтық актілер туралы» 2016 жылғы 6 сәуірдегі Қазақстан Республикасы Заңының 65-бабының 3-тармағына сәйкес **БҰЙЫРАМЫН:**

1. «Мектепке дейінгі балалар ұйымдарына кезектілікті қалыптастыру мен оның қызметін және жолдамаларды беру процесін автоматтандыру жөніндегі әдістемелік ұсынымдар туралы» Қазақстан Республикасы Білім және ғылым министрінің міндетін атқарушының 2017 жылғы 14 шілдедегі № 337 бұйрығына мынадай өзгерістер мен толықтырулар енгізілсін:

көрсетілген бұйрықпен қабылданған Мектепке дейінгі балалар ұйымдарына кезектілікті қалыптастыру мен оның қызметін және жолдамаларды беру процесін автоматтандыру жөніндегі әдістемелік ұсынымдарда:

4-тармақта:

14) тармақша мынадай редакцияда жазылсын:

«14) мектепке дейінгі балалар ұйымдарына бірінші кезекте орын алу құқығы – балаларға арналған кезекте басымдықпен орын алу мүмкіндігі: заңды тұлғалары мүгедек болып табылатын; ата-аналарының қамқорлығынсыз қалғандар; жетімдер; көп балалы отбасыларынан шыққан; ерекше білім беруді қажет ететін балалар;»;

мынадай мазмұндағы 17) тармақшамен толықтырсын:

«17) блокчейн технологиясы – белгілі бір қағида бойынша келесі қағидаттардан тұратын: ақпаратты қамтитын үздіксіз жүйелі блоктар тізбегі (жүйелі тізім), бір-біріне тәуелді емес блоктар тізбегінің көшірмесін орналастыру және сақтау; түрлі компьютерлерде блоктар тізбесін өңдеу негізінде кезектілік жүйесінің құрылымын және қызметін қалыптастыру тәсілі.»;

мынадай мазмұндағы 10-1 тармақпен толықтырсын:

«10-1. Кезекті басқару жүйесі техникалық мамандар, оның ішінде кезекті басқару жүйесіне қызмет ететін және оның деректерді басқаратын және сақтайтын шағын жүйелеріне тікелей қолжетімділігі бар адамдар тарапынан сенімсіздік білдіруден және рұқсатсыз араласудан жинақталған мәліметтерден қорғауды қамтамасыз ету үшін блокчейн технологиясын қолданады.

Кезекті басқару жүйесінің келесі тізілімдер тізбесі міндетті түрде блокчейн технологиясымен қорғалады: барлық өтініштер тізілімі, барлық жолдамалар тізілімі және бос орындар бюллетендерінің тізілімі.»;

12-тармақ мынадай редакцияда жазылсын:

«12. Кезекті басқару жүйесінде тіркелген өтініштер баланың өтініште көрсетілген туған жылы бойынша түрлі кезекке, ал кезектіліктің ішінде өтінішті берген күнімен топтастырылады. Осылайша, әрбір кезек әкімшісінің өз аумағында 7-ден (жеті) көп емес кезек түрі болады: туылғаннан бастап; 1 (бір) жастан бастап; 2 (екі) жастан бастап; 3 (үш) жастан бастап; 4 (төрт) жастан бастап; 5 (бес) жастан бастап; 6 (алты) жастан бастап.»;

мынадай мазмұндағы 12-1 тармақпен толықтырсын:

«12-1. Ерекше білім беруді қажет ететін балалар бір уақытта екі кезекте тұра алады: жалпы және арнайы тәрбиелеуге арналған мектепке дейінгі балалар ұйымдарына.

Ерекше білім алуды қажет ететін балалардың өтініштері жеке кезектілікке топтастырылады.»;

15-тармақ мынадай редакцияда жазылсын:

«15. Бос орындарды бөлу тәртібі келесі алгоритм бойынша қызмет атқарады:

1) кезекті басқару жүйесі күн сайын мектепке дейінгі ұйымдардан қандай жас тобына тағайындалғанын көрсете отырып, жаңа бос орындардың пайда болуы туралы ақпаратты қабылдайды;

2) кезекті басқару жүйесі күн сайын сағат 18:00-де (он сегіз) мамандандырылған интернет-ресурста электрондық түрде жалпыға қолжетімді болу үшін өткен тәулікте бос орындар бюллетенін осы Ұсынымдарға 2-қосымшаның форматына сәйкес жариялайды;

3) кезекті басқару жүйесі күн сайын таңғы сағат 07:00-де (жеті) бос орындар болған жағдайда (осы кезектегілер үшін бос орын санына және бірінші өтініш берушілердің санына сәйкес қолжетімділік беріледі) әр кезектегі тек бірінші өтініш берушілерге (барлығына бірдей) шектелген 3 (үш) жұмыс

күні ішінде мектепке дейінгі балалар ұйымына жолдама алуға басым қолжетімділік береді;

4) басым қолжетімділік ұсынылған өтініш берушілер бос орындар туралы ақпаратты зерделейді және қызығушылық танытқан жағдайда өздері таңдаған (бос орындары бар жерде), өздеріне сәйкес келетін мектепке дейінгі балалар ұйымына қабылдау үшін өз бетінше электронды жолдама алады;

5) басым қолжетімділік үшін бөлінген уақыт өтіп кеткен жағдайда әлі де бос орындар бар болса, онда кезекті басқару жүйесі бос орындар санына пропорционал кезекте тұрған келесі тұлғалар үшін қосымша қолжетімділік береді.»;

21-тармақ мынадай редакцияда жазылсын:

«21. Кезектен тыс орын алу құқығына ие өтініш берушілердің өтініштері кезектің басына орналасады, яғни кезекте басымдықпен орын алады. Мұндай өтініштер бір-біріне қатысты өтініш беру мерзімі мен уақыты бойынша сұрыпталады.

Кезектен тыс және бірінші кезек құқығына ие болу негізінде көрсетілетін қызметті алушының бір мезгілде орын алу талаптарына сәйкестігі кезінде басымдық ретінде тек кезектен тыс құқық қолданылады.»;

22-тармақ мынадай редакцияда жазылсын:

«22. Бірінші кезекте орын алу құқығына ие өтініш берушілердің өтініштері кезектен тыс орын алу құқығына ие өтініштен кейін кезекке қойылады. Бірінші кезекте орын алу құқығына ие өтініштер кезектен тыс орын алу құқығына ие өтініштерден соң кезекте (жалпы негізде) қандай да бір басым жағдайы жоқ басқа өтініштер арасында «үшке бір» қатынасында бөлу жолымен қойылады. Яғни басымдыққа ие өтініштер (бірінші кезекке ие) жалпы негізде берілген әр үш өтініштен кейін орналасады.»;

мынадай мазмұндағы 29-1 тармақпен толықтырылсын:

«29-1. Мектепке дейінгі балалар ұйымына жолдама баланың жасы мен жас тобына сәйкес ұсынылған орын бойынша беріледі.

Жолдама беру кезінде жас тобын анықтау үшін баланың жасы ағымдағы оқу жылының 1 қыркүйектегі жағдайы бойынша ескеріледі.»;

мынадай мазмұндағы 34-1 тармақпен толықтырылсын:

«34-1. Мектепке дейінгі ұйымдарды толымдау нормативтік құқықтық актілерге және әрбір мектепке дейінгі ұйымдағы балалар саны көрсетілген республикалық маңызы бар қаланың, астананың білім басқармаларының, аудандық (қалалық) білім бөлімдерінің бұйрықтарына сәйкес жүзеге асырылады.»;

50-тармақтың 4) тармақшасы мынадай редакцияда жазылсын:

«4) қызықтыратын мектепке дейінгі ұйымда бос орынның пайда болуы кезекте тұрған тұлғалар үшін бос орын санына пропорционал болады, сондай-ақ мектепке дейінгі балалар ұйымына жолдама беру (sms-тен басқа);».

2. Қазақстан Республикасы Білім және ғылым министрлігінің Мектепке дейінгі және орта білім департаменті (Ш.Т. Каринова) осы бұйрықты

облыстардың, Астана және Алматы қалаларының білім басқармаларының назарына жеткізсін.

3. Осы бұйрықтың орындалуын бақылау Қазақстан Республикасының Білім және ғылым вице-министрі А.Қ. Аймағамбетовке жүктелсін.

4. Осы бұйрық қол қойылған күнінен бастап күшіне енеді.

**Қазақстан Республикасының  
Білім және ғылым министрі**



**Е. Сағадиев**